

DE INEFFABILI
TRINITATIS
 MYSTERIO
ORATIO

Habita in Sacello Pontificio

AD SANCTISSIMUM D. N.

CLEMENTEM XIII.
 PONT. MAX.

A. D. FRANCISCO PIGNATELLO
EX DUCIBUS MONTISLEONIS

Collegii Clementini Convictore.



ROMÆ MDCCLX.

Ex Typographia Chracas, prope S. Marcum in via Curfus.

SUPERIORUM PERMISSU.

THE UNIVERSITY OF

THE STATE OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

(III)

Sanctissimo Domino Noſtro

CLEMENTI XIII.
PONTIFICI MAXIMO

FRANCISCUS PIGNATELLUS

FELICITATEM.



MAGNA *animi fiducia*
ad sublimem thronum
SANCTITATIS TUÆ
accedo exiguam hanc
meam, atque incomptam Orationem
oblaturus: exiguam quidem pro loci,
& temporis opportunitate; incom-
A 2 *tam*

*tam verò , quoniam omnem verbo-
rum , & elegantiarum pompam non
respuit tantum , sed plane vetat gra-
vissimum , & ineffabile de TRINI-
TATE argumentum . Mysterium hoc
est , quod cultu prosequi nos debemus,
non verbis explicare . Quanto autem
cultu , quàm pio , quàm singulari il-
lud SANCTITAS TUA prosequatur ,
non audeo dicere ego unus , sed Urbs
omnis plenis vocibus dicit , & univer-
sus Catholicus orbis prædicat , Reli-
gione ipsa cum gaudio , & plausu
complectente sanctum illud Decretum ,
quo sapientissime jussisti , ut in iis
Dominicis diebus , quibus Sacerdos
elata voce præfatur trisagium ange-
licum arcanis verbis consecrationis ,
relieta in sua sede antiquiore præfa-
tione , illa , quæ semel dumtaxat per
anni*

(V)

anni circulum in solemni festo TRINITATIS recitabatur , semper recitaretur ad magis amplificandam gloriam AUGUSTISSIMÆ TRINITATIS. Libenter hîc omitto , ne sim Tibi gravis , quæ in te splendent , omnium Virtutum decora : & dum Tuæ salutis , cui omnium nostrum salus nititur , a Deo Uno , & Trino flagrantissimis votis diuturnam precamur faustitatem , provolutus in genua postulo mibi Tuam Apostolicam benedictionem .



(VI)

I M P R I M A T U R .


Si videbitur Reverendissimo Patri Magistro Sacri
Palatii Apostolici .

Dominicus Archiep. Nicomedie Vicefg.

I M P R I M A T U R .

Fr. Vincentius Elena Reverendissimi Patr. Mag.
Sac. Pal. Apost. Soc. Ord. Prædic.

ORA-



ORATIO.



UAMVIS, BEATISSIME PATER,
AUGUSTISSIMÆ TRINITATIS
Mysterium humanæ men-
ti impervium , sublime ,
ineffabile sit, & censeatur,
non ita tamen Divina Sapiencia voluit
tam denso tenebrarum velo obduci , ut
aliqua ejusdem imago in novissimo creatu-
rum rerum & condendo, & condito ope-
re non præluceret . Quum iis omnibus ,
quæ Deus creaverat pulcherrimum illud
elo-

(VIII)

elogium adposuisset, *esse valde bona*, dum ad hominis fabricam longe ceteris præstantiorem manum omnipotentem admo-
veret, quasi ad consilium advocans, tres Divinas Personas magnifice fando nuncupavit, *faciamus hominem ad imaginem, & similitudinem nostram* (a). Adposite Ambrosius de dignitate conditionis humanæ ait, *ita non solum jubentis imperio, sed consilio* SANCTISSIMÆ TRINITATIS, *& opere majestatis divinæ creatus homo* (b); qui, si attentiori cura se, suamque naturam ad examen revocet, se unum quamquam ex corpore, & ex animo coalitum, & tres in suimet animo facultates apertissime deprehendet. Propterea Bernardus optime animadvertit: *Mens imago Dei est, in qua sunt tria, idest memoria, intelligentia, & voluntas. Per memoriam Patri similes sumus, per intelligentiam Filio, per voluntatem Spiritui Sancto* (c). Unde confurgit in homine
mine

(a) Gen. 1. (b) Ambrosius, c. 2.

(c) Bernardus, med. c. 1.

mine perfecta similitudo cum Deo, qui Unus, & Trinus est.

Sed heu dira, & nunquam satis dolenda calamitas! Honorificentissimam hanc cum Deo similitudinem turpiter fœdavit, ac pene delevit flagitiosissimus primi hominis divini mandati contemptus, & inobedientia: Justissimo Domino justissima præcipienti contumax Adam parere noluit, imaginem sanctissimam dehonestavit, & se jumentis insipientibus immiscens similis illis factus est.

Verum, quam homo cum Deo similitudinem miserrime perdiderat, placuit beneficentissimo auctori clementissime reparare. Et, si in homine condito obscuriore significatione TRINITATIS mysterium obumbravit, in ejusdem reparatione longe clarissimo testimonio voluit manifestare. Cum enim factus homo immergitur in Jordane, ut elegantissime Ambrosius advertit, *aquas sanctificat, & purificatione sui purificat fluenta illa, quæ tangit, ut secuturis postmodum populis lavacri gratia ministre-*

nistretur (d). *Jesu itaque baptizato, & orante apertum est cælum, descendit Spiritus Sanctus corporali specie sicut columba in ipsum, & vox de cælo facta est; Tu es Filius meus dilectus, in te complacui mihi* (e). Ecce Spiritus Sanctus præferens Columbæ speciem; ecce omnipotens Pater dans vocem de cælo; ecce unigenitus Filius, in quo sistitur complacentia Patris; & in his tribus tota simul præsentissima TRINITAS declaratur. Imago itaque illa, quam per creationem homo acceperat, & quam per peccatum amiserat, per baptismi regenerationem restituitur, ut evidentiùs in homine profunditas mysterii, & sublimitas repræsentetur.

Quid plura? Per ejusdem TRINITATIS invocationem quotquot Christianæ Religionis nomen damus, justificamur, ex mortis tenebris eruimur, in admirabile vitæ æternæ lumen perducimur, & dum aqua salutaris in baptismo conspergimur, tum Fidei, Spei, & Charitatis donis locupletamur,

(d) *Ambr. de Bap. Dom.*

(e) *Luc. 3.*